

БЛАГОДАРСТВЕННЫЕ МОЛИТВЫ

ПО СВЯТОМ ПРИЧАЩЕНИИ

**Сла́ва Тебе́, Бо́же. Сла́ва Тебе́,
Бо́же. Сла́ва Тебе́, Бо́же.**

Благодарственная молитва 1-я

**Благодарю́ Тя, Го́споди Бо́же
мой, яко не отрѣнул мя еси́
грѣшнаго, но о́бщника мя бы́ти
святы́нь Твои́х сподо́бил еси́.
Благодарю́ Тя, яко мене́
недосто́йнаго, причастѣтися
пречѣстных Твои́х и небѣсных Даро́в
сподо́бил еси́. Но Влады́ко
Человеколю́бче, нас ра́ди умеры́й
же и воскресы́й, и дарова́вый нам
стра́шная сия́ и животворя́щая
Та́инства, во благоде́яние и
освяще́ние душ и телѣс на́ших,
даждь бы́ти сим и мне во исцеле́ние
души́ же и те́ла, во отгна́ние
всякаго сопроти́внаго, в
просвеще́ние о́чию се́рдца моего́, в**

мир душевных моих сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественных Твоей благодати, и Твоего Царствия присвоение, да во святых Твоих теми сохраняемь, Твою благодать поминаю всегда, и не кому себе живу, но Тебе, нашему Владыце и Благодетелю; и тако сего жития изшед о надежде живота вечнаго, в присносущный достигну покой, идеже празднующих глас непрестанный, и безконечная сладость зрящих Твоего лица доброту неизреченную. Ты бо еси истинное желание, и неизреченное веселие любящих Тя, Христе Боже наш, и Тя поет вся тварь во веки. Аминь.

*Молитва святого Василия
Великого, 2-я*

Владыко Христе Боже, Царю

векóв и Содéтелю всех, благодарю
Тя о всех, яже ми еси подал
благíх, и о причащéнии пречíстых и
животворящих Твои́х Та́инств. Молю́
убо Тя, Бла́же и Человеколю́бче:
сохрани́ мя под крóвом Твои́м, и в
сéни крилу́ Твоёю. И да́руй ми
чíстою сóвестию, да́же до
послédняго моего́ издыхáния,
достóйно причащáтися Святы́нь
Твои́х, во оставлénие грехóв и в
жизнь вéчную. Ты бо еси́ Хлеб
живóтный, истóчник святы́ни,
подáтель благíх, и Тебé сла́ву
возсыла́ем, со Отцём и Святы́м
Ду́хом, ны́не и прíсно, и во вéки
векóв. Амíнь.

*Молитва святаго Симеона
Метафраста, 3-я*

Да́вый пи́щу мне плоть Твою́
во́лею, огонь сый и опалéяй
недостóйныя, да не опали́ши мене́,
Содéтелю мой; па́че же пройди́ во
у́ды моя́, во вся соста́вы, во утробу́,

в сѣрдце. Попалі́ тѣрніе всех мо́их
прегрешѣній. Ду́шу очі́сти, освяті́
помышлѣнія. Соста́вы утверді́ с
костьмі́ вку́пе. Чувств просветі́
просту́ю пятери́цу. Всего́ мя
спригвозді́ стра́ху Твоему́. Прі́сно
покры́й, соблюди́ же, и сохрани́ мя
от всякаго́ дѣла и сло́ва
душетлѣннаго. Очі́сти, и омы́й, и
украси́ мя: удобри́, вразуми́, и
просвети́ мя. Покажи́ мя Твое́
селѣние еди́наго Ду́ха, и не ктому́
селѣние греха́. Да я́ко Твоего́ до́му
вхо́дом причащѣнія, я́ко огня́ мене́
бежитъ всякъ злоде́й, всяка́ страсть.
Моли́твенники Тебе́ приношу́ вся
святы́я, чиноначáлия же безплóтных,
Предтѣчу́ Твоего́, премудры́я
апóстола, к симъ же Твою́
несквѣрную, чі́стую Мáтерь, ихже
мольбы́, Благоутрóбне, приими́,
Христé мой, и сы́ном свѣта содѣлай
Твоего́ служі́теля. Ты бо еси́
освящѣние, и Еди́ный на́ших, Бла́же,
душ и свѣ́тлость, и Тебе́

лепоподобно́ яко́ Бо́гу и Влады́це
сла́ву вси возсыла́ем на всяк день.

Молитва 4-я

Тело́ Твое́ Свято́е, Го́споди
Иисúсе Христé Бо́же наш, да б́удет
ми в живóт вéчный, и Крoвь Твoя
Честнáя во оставлénие грехóв: б́уди
же ми благодарénие сие́ в рáдость,
здрав́ие и весéлие; в стра́шное же и
второ́е пришéствие Твое́ сподóби мя,
грéшнаго, стáти одесну́ю сла́вы
Твоея́, моли́твами Пречíстыя Твоея́
Ма́тери, и всех святых́.

Молитва ко Пресвятой Богородице, 5-я

Пресвятáя Влады́чице
Богорóдице, свéте помрачénныя
моея́ душ́и, надéждо, покрóве,
прибéжище, утешénие, рáдование
моё, благодарю́ Тя, яко́ сподóбила
мя еси́ недостóйнаго, причáстника
бы́ти Пречíстаго Тéла, и Честн́я
Крóве Сы́на Твоего́. Но рóждшая

и́стинный Свет, просвети́ моя́ у́мныя
о́чи сёрдца; Яже исто́чник
безсмёртия ро́ждшая, оживотвори́
мя умерщвлённаго грехо́м; Яже
ми́лостиваго Бо́га
любоблагоутро́бная Ма́ти, поми́луй
мя, и даждь ми умилéние, и
сокруше́ние в сёрдце моём, и
смирéние в мы́слях мо́их, и
воззва́ние в пленéниях помышлéний
мо́их; и сподо́би мя до послéдняго
издыхáния, неосуждénно приима́ти
Пречи́стых Та́ин освяще́ние во
исцелéние же ду́ши и тéла. И
пода́ждь ми слéзы пока́яния и
исповéдания, во ёже пéти и сла́вити
Тя во вся дни живота́ моего́, я́ко
благословéнна и препросла́вленна
еси́ во ве́ки. Ами́нь.

Ны́не отпу́щаеши раба́ Твоего́,
Влады́ко, по глаго́лу Твоему́ с
ми́ром, я́ко видеста о́чи мо́и
спасéние Твое́, ёже еси́ угото́вал
пред лицём всех люде́й, свет во

откровéние язы́ков и сла́ву люде́й
Твои́х Изра́иля.

Святы́й Бо́же, Святы́й Кре́пкий,
Святы́й Безсме́ртный, поми́луй нас.

*(Читается трижды, с крестным знаменем и
поясным поклоном.)*

Сла́ва Отцу́ и Сы́ну и Свято́му
Ду́ху, и ны́не и прѣсно и во ве́ки веко́в.
Ами́нь.

Пресвята́я Тро́ице, поми́луй нас;
Го́споди, очисти грехи́ на́ша; Влады́ко,
прости́ беззакóния на́ша; Святы́й,
посети́ и исцели́ немо́щи на́ша, и́мене
Твоего́ ра́ди.

Го́споди, поми́луй (*Трижды*)

Сла́ва Отцу́ и Сы́ну и Свято́му
Ду́ху, и ны́не и прѣсно и во ве́ки веко́в.
Ами́нь.

Отче наш, Иже еси́ на Небесéх, да
святѣтся и́мя Твое́, да при́дет
Ца́рствие Твое́, да бу́дет во́ля Твоя́,
я́ко на Небеси́ и на земли́. Хлеб наш
насу́щный да́ждь нам днесь; и оста́ви
нам до́лги на́ша, я́коже и мы оставля́ем

должникóм на́шим; и не введи́ нас во
искуше́ние, но избáви нас от лука́ваго.

*Тропарь святому Иоанну
Златоустому, глас 8-й*

Уст твои́х, я́коже свѣтлость огня́,
возсия́вши благодáть, вселѣнную
просвети́; не сребролю́бия мiрови
сокро́вища сниска́, высотú нам
смиреномúдрия показá, но твои́ми
словесы́ наказу́я, óтче Иоáнне
Златоúсте, моли́ Сло́ва Христа́ Бóга
спасти́ся душáм на́шим.

**Слáва Отцú и Сы́ну и Свято́му
Дúху.**

Кондак, глас 6-й

От небес прия́л еси́
Божѣственную благодáть, и твои́ми
устна́ми вся учи́ши покланя́тися в
Тро́ице Еди́ному Бóгу, Иоáнне
Златоúсте всеблаже́нне, преподо́бне,
достóйно хва́лим тя: еси́ бо
наста́вник, я́ко Божѣственная явля́я.

**И ны́не и прѣсно и во ве́ки веко́в.
Ами́нь.** Предста́тельство христиа́н
непосты́дное, ходата́йство ко Творцу́
непрело́жное, не прѣзри грѣшных
молѣний гла́сы, но предвари́, я́ко
Благая́, на по́мощь нас, ве́рно
зову́щих Ти: ускори́ на моли́тву и
потщи́ся на умоле́ние,
предста́тельствующи прѣсно,
Богоро́дице, чту́щих Тя.

*[Если литургии святого Василия
Великого читай]*

***Тропарь Василию Великому,
глас 1-й***

**Во всю зѣмлю изы́де веща́ние
твоё, я́ко приѣмшую сло́во твоё,
ѣмже боголе́пно научи́л еси́,
естество́ су́щих уясни́л еси́,
челове́ческия обы́чаи украси́л еси́,
ца́рское свяще́ние, о́тче преподо́бне,
моли́ Христа́ Бо́га, спасти́ся душа́м
на́шим.**

Кондак, глас 4-й

Сла́ва Отцу́ и Сы́ну и Свято́му
Ду́ху: Яви́лся еси́ основа́ние
непоколеби́мое Це́ркве, пода́я всем
некрадо́мое госпо́дство челове́ком,
запечатле́я твои́ми велéньми,
небоявлéнне Васи́лие преподо́бне.

И ны́не и прісно и во ве́ки веко́в:
Предста́тельство христиа́н
непосты́дное, ходата́йство ко Творцу́
непрело́жное, не прэзри грéшных
молéний гла́сы, но предвари́, я́ко
Благая́, на по́мощь нас, ве́рно
зову́щих Ти: ускори́ на моли́тву и
потщи́ся на умоле́ние,
предста́тельствующи прісно,
Богоро́дице, чту́щих Тя.

*Если литургия Преждеосвященных
Даров читай:*

Тропарь святому Григорию Двоеслову, глас 4-й

Иже от Бо́га свы́ше

Божественную благодать восприем,
славне Григорие, и Того силою
укрепляемь, евангельски шествовати
изволил еси. Отонудуже у Христа
возмездие трудов приял еси,
всеблаженне: Егоже моли, да спасет
души наша.

Кондак, глас 3-й

Слава Отцу и Сыну и Святому
Духу: Подобоначальник показался
еси Начальника пастырем Христа,
иноков чреды, отче Григорие, ко
ограде небесней наставляя, и оттуда
научил еси стадо Христово
заповедем Его: ныне же с ними
радуешься, и ликуеши в небесных
кровех.

И ныне и присно и во веки веков:
Предстательство христиан
непостыдное, ходатайство ко Творцу
непреложное, не презри грешных
молений гласы, но предвари, яко
Благая, на помощь нас, верно
зовущих Ти: ускори на молитву и

потщѣся на умоленіе,
предстательствующи прѣсно,
Богородице, чтущих Тя.]

Господи, помилуй. (*12 раз*).

Слава Отцѣ и Сыну и Святому
Духу, и ныне и прѣсно и во вѣки вѣков.
Аминь.

Честнѣйшую Херувим и
славнейшую без сравненія
Серафим, без исленія Бога Слова
рождшую, сущую Богородицу Тя
величаем.

Слава Отцѣ и Сыну и Святому
Духу, и ныне и прѣсно и во вѣки вѣков.
Аминь.

Господи, помилуй. (*Трижды*)

Господи, Иисусе Христе, Сыне
Божий, молитвами Пречистыя Твоея
Матере, преподобных и богоносных
отец наших и всех святых помилуй
и спаси нас, яко Благ и
Человеколюбец. Аминь.

*После причащения да пребывает
каждый в чистоте, воздержании и
немногословии, чтобы достойно
сохранить в себе принятого Христа.*